

第一册

大青花鱼

目录

第一章 第一层	9
1.1 江南	9
1.2 画	9
第二章 第二层	11
2.1 春晓	11
2.2 静夜思	11
2.3	11
2.4 登鹳雀楼	11
2.5 草	12
第三章 第三层	13
3.1 望庐山瀑布	13
3.2 绝句	13
3.3 早发白帝城	13

3.4	山行	14
3.5	咏柳	14
3.6	大林寺桃花	14
3.7	鸟鸣涧	14
3.8	咏华山	14
3.9	塞下曲	15
3.10	望天门山	15
3.11	鹿柴	15
3.12	江雪	15
3.13	寻隐者不遇	16
3.14	凉州词	16
3.15	出塞	16
3.16	题西林壁	16
3.17	暮江吟	17
3.18	悯农（一）	17
3.19	悯农（二）	17
3.20	舟夜书所见	17
3.21	江上渔者	18
3.22	蚕妇	18
3.23	早发白帝城	18

目录	5
3.24 山行	18
3.25 送元二使安西	18
3.26 送孟浩然之广陵	19
3.27 滁州西涧	19
第四章 第四层	21
4.1 宿新市徐公店	21
4.2 小儿垂钓	21
4.3 望庐山瀑布	21
4.4 绝句	22
4.5 夜宿山寺	22
4.6 宿建德江	22
4.7 游子吟	22
4.8 梅花	22
4.9 芙蓉楼送辛渐	23
4.10 墨梅	23
第五章 第五层	25
5.1 早春呈水部张十八员外	25
5.2 江畔独步寻花	25
5.3 游园不值	25
5.4 书湖阴先生壁	26

5.5	关山月	26
第六章	第六层	27
6.1	十一月四日风雨大作	27
6.2	泊船瓜洲	27
6.3	秋思	27
6.4	八阵图	28
6.5	渭城曲	28
6.6	清明	28
6.7	塞下曲	28
第七章	第七层	29
7.1	江村即事	29
7.2	出塞	29
第八章	第八层	31
8.1	春日偶成	31
8.2	九月九日忆山东兄弟	31
8.3	赠汪伦	31
第九章	第九层	33
9.1	凉州词	33
9.2	枫桥夜泊	33

目录	7
----	---

第十章 第十层	35
---------	----

10.1 石灰吟	35
10.2 乌衣巷	35
10.3 江南春	35
10.4 示儿	36
10.5 闻官军收河南河北	36
10.6 寒食	36
10.7 秋夜将晓出篱门迎凉有感	36

第十一章 其他	37
---------	----

11.1 春夜喜雨	37
11.2 望月怀远	37
11.3 迢迢牵牛星	37
11.4 送杜少府之任蜀州	38
11.5 春望	38
11.6 登岳阳楼	38
11.7 黄鹤楼	38
11.8 题都城南庄	39
11.9 望月怀远	39
11.10 七律·长征	39

第一章 第一层

1.1 江南

江南可采莲，莲叶何田田。鱼戏莲叶间。鱼戏莲叶东，鱼戏莲叶西，鱼戏莲叶南，鱼戏莲叶北。

1.2 画

远看山有色，近听水无声。春去花还在，人来鸟不惊。

第二章 第二层

2.1 春晓

孟浩然

春眠不觉晓，处处闻啼鸟。夜来风雨声，花落知多少。

2.2 静夜思

李白

床前明月光，疑是地上霜。举头望明月，低头思故乡。

2.3

2.4 登鹳雀楼

白日依山尽，黄河入海流。欲穷千里目，更上一层楼。

2.5 草

离离原上草，一岁一枯荣。野火烧不尽，春风吹又生。

第三章 第三层

3.1 望庐山瀑布

李白

日照香炉生紫烟，遥看瀑布挂前川。飞流直下三千尺，疑是银河落九天。

3.2 绝句

杜甫

两个黄鹂鸣翠柳，一行白鹭上青天。窗含西岭千秋雪，门泊东吴万里船。

3.3 早发白帝城

朝辞白帝彩云间，千里江陵一日还。两岸猿声啼不住，轻舟已过万重山。

3.4 山行

远上寒山石径斜，白云深处有人家。停车坐爱枫林晚，霜叶红于二月花。

3.5 咏柳

碧玉妆成一树高，万条垂下绿丝绦。不知细叶谁裁出？二月春风似剪刀。

3.6 大林寺桃花

白居易

人间四月芳菲尽，山寺桃花始盛开。长恨春归无觅处，不知转入此中来。

3.7 鸟鸣涧

王维

人闲桂花落，夜静春山空。月出惊山鸟，时鸣春涧中。

3.8 咏华山

寇准

只有天在上，更无山与齐。举头红日近，回首白云低。

3.9 塞下曲

卢纶

林暗鸟惊风，将军夜引弓。平明寻白羽，没在石棱中。

3.10 望天门山

天门中断楚江开，碧水东流至此回。两岸青山相对出，孤帆一片日边来。

3.11 鹿柴

王维

空山不见人，但闻人语响。返景入深林，复照青苔上。

3.12 江雪

柳宗元

千山鸟飞绝，万径人踪灭。孤舟蓑笠翁，独钓寒江雪。

3.13 寻隐者不遇

贾岛

松下问童子，言师采药去。只在此山中，云深不知处。

3.14 凉州词

王之涣

黄河远上白云间，一片孤城万仞山。羌笛何须怨杨柳，春风不度玉门关。

3.15 出塞

王昌龄

秦时明月汉时关，万里长征人未还。但使龙城飞将在，不教胡马度阴山。

3.16 题西林壁

苏轼

横看成岭侧成峰，远近高低各不同。不识庐山真面目，只缘身在此山中。

3.17 暮江吟

白居易

一道残阳铺水中，半江瑟瑟半江红。可怜九月初三夜，露似真珠月似弓。

3.18 悯农（一）

李绅

春种一粒粟，秋收万颗子。四海无闲田，农夫犹饿死。

3.19 悯农（二）

李绅

锄禾日当午，汗滴禾下土。谁知盘中餐，粒粒皆辛苦。

3.20 舟夜书所见

查慎行

月黑见渔灯，孤光一点萤。微微风簇浪，散作满河星。

3.21 江上渔者

范仲淹

江上往来人，但爱鲈鱼美。君看一叶舟，出没风波里。

3.22 蚕妇

昨日入城市，归来泪满巾。遍身罗绮者，不是养蚕人。

3.23 早发白帝城

朝辞白帝彩云间，千里江陵一日还。两岸猿声啼不住，轻舟已过万重山。

3.24 山行

远上寒山石径斜，白云深处有人家。停车坐爱枫林晚，霜叶红于二月花。

3.25 送元二使安西

王维

渭城朝雨浥轻尘，客舍青青柳色新。劝君更尽一杯酒，西出阳关无故人。

3.26 送孟浩然之广陵

李白

故人西辞黄鹤楼，烟花三月下扬州。孤帆远影碧空尽，唯见长江天际流。

3.27 滁州西涧

韦应物

独怜幽草涧边生，上有黄鹂深树鸣。春潮带雨晚来急，野渡无人舟自横。

第四章 第四层

4.1 宿新市徐公店

杨万里

篱落疏疏一径深，树头新绿未成阴。儿童急走追黄蝶，飞入菜花无处寻。

4.2 小儿垂钓

胡令能

蓬头稚子学垂纶，侧坐莓苔草映身。路人借问遥招手，怕得鱼惊不应人。

4.3 望庐山瀑布

李白

日照香炉生紫烟，遥看瀑布挂前川。飞流直下三千尺，疑是银河落九天。

4.4 绝句

杜甫

两个黄鹂鸣翠柳，一行白鹭上青天。窗含西岭千秋雪，门泊东吴万里船。

4.5 夜宿山寺

危楼高百尺，手可摘星辰。不敢高声语，恐惊天上人。

4.6 宿建德江

孟浩然

移舟泊烟渚，日暮客愁新。野旷天低树，江清月近人。

4.7 游子吟

孟郊

慈母手中线，游子身上衣。临行密密缝，意恐迟迟归。谁言寸草心，报得三春晖。

4.8 梅花

王安石

墙角数枝梅，凌寒独自开。遥知不是雪，为有暗香来。

4.9 芙蓉楼送辛渐

王昌龄

寒雨连江夜入吴，平明送客楚山孤。洛阳亲友如相问，一片冰心在玉壶。

4.10 墨梅

王冕

我家洗砚池头树，朵朵花开淡墨痕。不要人夸好颜色，只留清气满乾坤。

第五章 第五层

5.1 早春呈水部张十八员外

韩愈

天街小雨润如酥，草色遥看近却无。最是一年春好处，绝胜烟柳满皇都。

5.2 江畔独步寻花

杜甫

黄四娘家花满蹊，千朵万朵压枝低。流连戏蝶时时舞，自在娇莺恰恰啼。

5.3 游园不值

叶绍翁

应怜屐齿印苍苔，小扣柴扉久不开。春色满园关不住，一枝红杏出墙来。

5.4 书湖阴先生壁

王安石

茅檐长扫净无苔，花木成畦手自栽。一水护田将绿绕，两山排闥送青来。

5.5 关山月

李白

明月出天山，苍茫云海间。长风几万里，吹度玉门关。汉下白登道，胡窥青海湾。由来征战地，不见有人还。戍客望边色，思归多苦颜。高楼当此夜，叹息未应闲。

第六章 第六层

6.1 十一月四日风雨大作

陆游

僵卧孤村不自哀，尚思为国戍轮台。夜阑卧听风吹雨，铁马冰河入梦来。

6.2 泊船瓜洲

王安石

京口瓜洲一水间，钟山只隔数重山。春风又绿江南岸，明月何时照我还。

6.3 秋思

张籍

洛阳城里见秋风，欲作家书意万重。复恐匆匆说不尽，行人临发又开封。

6.4 八阵图

杜甫

功盖三分国，名成八阵图。江流石不转，遣恨失吞吴。

6.5 渭城曲

王维

渭城朝雨浥轻尘，客舍青青柳色新。劝君更尽一杯酒，西出阳关无故人。

6.6 清明

杜牧

清明时节雨纷纷，路上行人欲断魂。借问酒家何处有，牧童遥指杏花村。

6.7 塞下曲

卢纶

月黑雁飞高，单于夜遁逃。欲将轻骑逐，大雪满弓刀。

第七章 第七层

7.1 江村即事

司空曙

钓罢归来不系船，江村月落正堪眠。纵然一夜风吹去，只在芦花浅水边。

7.2 出塞

王昌龄

秦时明月汉时关，万里长征人未还。但使龙城飞将在，不教胡马渡阴山。

第八章 第八层

8.1 春日偶成

程颢

云淡风轻近午天，傍花随柳过前川。时人不识余心乐，将谓偷闲学少年。

8.2 九月九日忆山东兄弟

王维

独在异乡为异客，每逢佳节倍思亲。遥知兄弟登高处，遍插茱萸少一人。

8.3 赠汪伦

李白

李白乘舟将欲行，忽闻岸上踏歌声。桃花潭水深千尺，不及汪伦送我情。

第九章 第九层

9.1 凉州词

王翰

葡萄美酒夜光杯，欲饮琵琶马上催。醉卧沙场君莫笑，古来征战几人回。

9.2 枫桥夜泊

张继

月落乌啼霜满天，江枫渔火对愁眠。姑苏城外寒山寺，夜半钟声到客船。

第十章 第十层

10.1 石灰吟

于谦

千锤万凿出深山，烈火焚烧若等闲。粉身碎骨浑不怕，要留清白在人间。

10.2 乌衣巷

刘禹锡

朱雀桥边野草花，乌衣巷口夕阳斜。旧时王谢堂前燕，飞入寻常百姓家。

10.3 江南春

杜牧

千里莺啼绿映红，水村山郭酒旗风。南朝四百八十寺，多少楼台烟雨中。

10.4 示儿

陆游

死去元知万事空，但悲不见九州同。王师北定中原日，家祭无忘告乃翁。

10.5 闻官军收河南河北

杜甫

剑外忽传收蓟北，忽闻涕泪满衣裳。去看妻子愁何在，漫卷诗书喜欲狂。白日放歌须纵酒，青春作伴好还乡。即从巴峡穿巫峡，便下襄阳向洛阳。

10.6 寒食

韩翃

春城无处不飞花，寒食东风御柳斜。日暮汉宫传蜡烛，轻烟散入五侯家。

10.7 秋夜将晓出篱门迎凉有感

陆游

三万里河东入海，五千仞岳上摩天。遗民泪尽胡尘里，南望王师又一年。

第十一章 其他

11.1 春夜喜雨

杜甫

好雨知时节，当春乃发生。随风潜入夜，润物细无声。野径云俱黑，江船火独明。晓看红湿处，花重锦官城。

11.2 望月怀远

张九龄

海上生明月，天涯共此时。情人怨遥夜，竟夕起相思。灭烛怜光满，披衣觉露滋。不堪盈手赠，还寝梦佳期。

11.3 迢迢牵牛星

迢迢牵牛星，皎皎河汉女。纤纤擢素手，札札弄机杼。终日不成章，泣涕零如雨。河汉清且浅，相去复几许。盈盈一水间，脉脉不得语。

11.4 送杜少府之任蜀州

王勃

城阙辅三秦，风烟望五津。与君离别意，同是宦游人。海内存知己，天涯若比邻。无为在岐路，儿女共沾巾。

11.5 春望

杜甫

国破山河在，城春草木深。感时花溅泪，恨别鸟惊心。烽火连三月，家书抵万金。白头搔更短，浑欲不胜簪。

11.6 登岳阳楼

杜甫

昔闻洞庭水，今上岳阳楼。吴楚东南坼，乾坤日夜浮。亲朋无一字，老病有孤舟。戎马关山北，凭轩涕泗流。

11.7 黄鹤楼

崔颢

昔人已乘黄鹤去，此地空余黄鹤楼。黄鹤一去不复返，白云千载空悠悠。晴川历历汉阳树，芳草萋萋鹦鹉洲。日暮乡关何处是，烟波江上使人愁。

11.8 题都城南庄

崔护

去年今日此门中，人面桃花相映红。人面不知何处去，桃花依旧笑春风。

11.9 望月怀远

张九龄

海上生明月，天涯共此时。情人怨遥夜，竟夕起相思。灭烛怜光满，披衣觉露滋。不堪盈手赠，还寝梦佳期。

11.10 七律·长征

红军不怕远征难，万水千山只等闲。五岭逶迤腾细浪，乌蒙磅礴走泥丸。金沙水拍云崖暖，大渡桥横铁索寒。更喜岷山千里雪，三军过后尽开颜。